

1 Jon

Kumaen San Ru

¹ Kumaen san ru a fun lo mok yen go ipalu yan, tamol mok igo ilasa ya. Insen awan lo kumaen san ru ilasa dugo mañ maloñ ak, malama lo mok mile yak, agod tinin dam bانيا nam mabi ak, an mi mañ niñjen o miñjen da.

² Kumaen an inßen mi kuai tem ikubiai panama dugo mile ya. Rumok, kumaen pempem san an imug mi Bai da dumado na yan kuai isi a. Kumaen an mañ malama nam mile tag gamu en mañ an niñjen o mi mabol dop alon a.

³ Mel e mañ mile dugo maloñ en murupaianj da. An lo añ mañ da sisem idsad madok an kisaek mi yen yau a. Agod mañsama madok man Bai da, agod injanen Nanun Jesus Kristus da mumado da.

⁴ Mañ girek e migire panañ den lo idsad yousai awan isa wa.

Ilalanj lo tator san ru

⁵ Ru a inj awan lo maloñ an mabol alon da. Anut mi inj ilalanj. Inj lo tidom tubun ta yen man tia geig a.

⁶ Id igo tabol da, id inj da madok kisaek mi tumado da, ak man id tidom tubun lo tator tap, ru raek tabol da, agod idsad madok an ru rumok san dal ta iri na da.

⁷ Gug inj ilalanj lo itor dak ago mi id dam tator tap, id anek anek sisem ilod kisaek mi tumado wa. Agod injanen Nanun Jesus san dar an mi lo idsad aupasek fidian isasi panad go ikok tilasa ya.

⁸ Id aupasek amad tia yak tabol tap, sed ilod irawad da, agod ru a rumok an id ilod lo ta yen na da.

⁹ Ak man inj awa urek san tamol, agod itaot geig a, amaiak ninjen o id idsad aupasek an kuai te tabol ilasa tap, idsad aupasek an fidian isasi yau dop, ilod lo kagin itaot tia yan fidian ipasi dop ikok tilasa wa.

¹⁰ Gug id aupasek ta tigane na yak tabol dop man, id inj sewak tamol igo wong tigane da, agod injanen ru an id ilod lo aben ta yen man tia ya.

2

Kristus idsad binawek

¹ O nai nanug murooug, anj au apas amoi o ru en njigire da. Gug ta inj au ipas tap man, id binawek tamol amad da ya. Tamol an Jesus Kristus itaot mok a. Inj ibinawad san o Bai naon na itur da.

² Idsad aupasek ninjen o Anut ilon wananan da. Ak man Kristus sen injsan mateq lo Anut ilon ago iganeg ibubarum a. Id ninjed o mi tia ya, tia, tamolpein a tan titin fidian lo dumado dugo inj ninjen o ilod rumok tap, sad aupasek an dam isasi yau a.

³ Id injsan ru kubiaeñ ibol talonj an mi turi tupani tap, dal an lo na id ka talonj ak id rumok mi Anut talonj a.

⁴ Gug ta inj ibol, “Nai Anut nhalonj a,” ago gug injsan awan kagin ta ipani na dan, inj sewak tamol, agod Anut san ru rumok ak inj lo man tia ya.

⁵⁻⁶ Ak man talpein a Anut san ru a kagin ipani dan, rumok, inj lo Anut san ilo panek italbusip tubun geig a. Ta inj Anut da dumado dak ibol dan,

dal kisaek a Jesus itor an lo mi inj dam itor a. Dal an lo mi id taloñ ak, rumok, id Anut da tumado da.

7 O turag murooug, gamu ru kubiaeñ e ɳigire den man foun tia ya. Tia, ru kubiaeñ en wagam a, nek a fun lo mok aloñ ama ya. Ru an man fun aŋ aloñ la ya.

8 Ago bo man ru kubiaeñ en man ibol foun ak oŋ a. Ru kubiaeñ an san nuŋon man Kristus lo tile da, agod aŋ lo dam maŋ mile da. Man dugo, tudom tubun itout yau dugo ilalaŋ mok an kuai isi da.

9 Ago yak niŋen o talpein ta inj ilalaŋ lo itor dak ibol gug turan ta ile saian tap, inj tidom tubun lo mi imado da.

10 Talpein a inj turan niŋen o imat dan inj ilalaŋ lo imado da. An niŋen o mel saian ak ta lo yau idu san inj tinin lo yen man tia ya.

11 Gug tamol ta turan ile saian dan inj tudom tubun lo imado itor da. Ago yan lo malan tidom tubun dop dal injaoŋ a.

12 Nanug murooug, inj yaŋan o, aŋsam aupasek ipare idu yak niŋen o ɣai aŋsam na girek en ɳigire da.

13 O tamag murooug, inj fun lo imadog ipalu yan aloŋ uyan ak niŋen o ɣai aŋsam na girek en ɳigire da. O aŋ pinein foumi, Satan san dabai abi idu yak niŋen o ɣai girek en ɳigire panaŋ da. O nanug murooug, aŋ Bai aloŋ ak niŋen o aŋsam na girek en ɳigire da.

14 O tamag murooug, aŋ man inj fun lo mok imadog ipalu yan aloŋ uyanan ak niŋen o ru en ɳigire da. O aŋ pinein foumi, girek en aŋsam na ɳigire den man fun igo ya, aŋ dabai amam da, Anut

san ru aŋ lo yen da, agod Satan san dabai abi idu ya.

¹⁵ Aŋ tan en san madok iŋjanen filian da niŋen o yaes ifunaŋ amoi. Ta iŋ tan en san madok niŋen o imat tap, Bai niŋen o imat dan, iŋ lo man tia ya.

¹⁶ Man dugo, kagin fidian tan en lo yen dan igo ya, tinik san ilo imasa san kagin, mala sek san kagin, agod se pitianoi kagin tan en san tamolpein digane dan, fidian Bai san nag ta ipalu na da, tia, an tan en san mel mi a.

¹⁷ Tan en iŋ tamolpein sad ilo masa da ditout diau da. Ak man talpein ta iŋ Anut ilon ibol dak ago mi igane dop man, pempem imado yau a.

Kristus san ager

¹⁸ Nanug murooug, saen wadan ipalug sumeik da. Nek ibol aŋ ru en dubol dugo aloŋ na yak ago, Kristus san ager ipalu wo da, gamu en Kristus san ager wei kasik dilasa yan lo tile taloŋ a. Ama-iak niŋen o id taloŋ uyan ak saen wadan sumeik ipanad da.

¹⁹ Tamol malan an idsad doup lo dilasag diau a. Iŋ dubusawad man fun iŋ id muroud tia ya. Aria id muroud ak man ta dubusawad na wa. Gug id dubusawad an lo kuai tem tile taloŋ ak, an id muroud tia ya.

²⁰ Ak man Urgun iŋsan dabai aŋ lo ikulmaek idug yen da, an lo aŋ fidian Anut san ru rumok an aloŋ a.

²¹ Aŋ ru rumok ta aloŋ na yak niŋen o ŋai girek en ta ŋigire na da. Tia, aŋ ru rumok aloŋ la ya, an niŋen o arksam na ŋigire ipalu da. Aŋ aloŋ ak ru sewak fidian an ru rumok ak muroun tia ya.

22 Ru sewak an enti awan lo ilasa dak i? Tamol a Jesus in Anut san pilianek tamol yanjak “Kristus” dubol dan niñen o “tia yak” ago ibol dan, tamol an Kristus san ager. Tamol naok ago yak in Bai Nanun da niñedi wo dam imoi a.

23 Ta in Nanun imoi dop man in Bai san tia ya. Gug ta in Nanun niñen o ilon rumok ak ago ibol tap, in Nanun san muroun mi tia ya, tia, Bai dam inañen muroun a.

24 Ru a fun lo aloj an ilom lo aganep yen a. Ago agane tap, añ Nanun in Taman da urarum dadi amado wa.

25 Agod injsan promis ipanad en igo ya, kumaen pempem yen yau san an ipanad a.

26 Tamol dirawan o digane dak niñen o girek en njigire panañ da.

27 Ak man Urgun san dabai ikulmaek idug ajanane yan, añ lo yen da. An niñen o talpein mel foun ak ta ipiteñanañ san tia ya. Man dugo, Urgun san dabai ajanane yan mañau fidian ipiteñanañ da. An man rumok a, ta sewak na ya, amaiak niñen o nek ibol añ ipiteñanañ igo woj Kristus da amado wa.

Enti in Anut nanun muroun

28 O nanug muroug, añ in da amado wa. Ago tap, saen in kuai te ilasa dop id in da tinjineñ o ta tarer na wak, agod miai ifunad dop tasuk tamul san dam tia ya.

29 In itaot geig ak an aloj tap, mel en dam alon a, tamol a kagin uyan ak mi igane dan in Anut lo foun ilasa ya.

3

¹ Aloŋ, Anut dugo mok id niŋed o imat di? Iŋsan ilo panek id niŋed o man tubun geig a! Man dugo, id Anut nanun muroun ago ibol da. Id nek ago mi a. Tan en san tamolpein id ta dulon na yan fun man inj Anut ta dulon na ya.

² O turag murooug! Id gamu Anut nanun muroun tumado da. Gug id mitep dugo tilasa wan ta talon uyan na da. Gug id mel en talon ak, saen Kristus kuai isi dan, id tilasap inj ago mi wa. Man dugo, inj naon tinin tile ago mi tile wa.

³ Talpein mel an niŋen o Kristus tinin igane pani dan inj sen iganeg gun ilasa ya, nek ibol Kristus inj sen gun ago mi a.

⁴ Ta inj au ipas tap, inj Anut san kubiaen ipilali a. Rumok, aupasek man igo ya, tamol kubiaen paen na ta imado na dak san kagin igo ya.

⁵ Aŋ alon ak, Kristus tamolpein sad aupasek ipasi wo ipalu ya. Agod inj lo aupasek ta ule san tia geig a.

⁶ Ago yak niŋen o talpein enti Jesus Kristus da dumado dan au ta ipas na da. Gug ta inj au ipas onj dan, inj Kristus ta ile na yak, agod dam ta ilon na ya.

⁷ O nanug murooug, mel en niŋen o tamolpein eil afu dop dirawan banau! Ta inj kagin itaot igane dan, inj mi itaot a. Ibol Kristus itaot imado dak ago mi inj dam imado da.

⁸ Talpein enti aupasek igane onj dop man, inj Satan san muroun mi a. Man dugo, Satan inj fun lo mok go ipalu yan au ipas na ya. Ak man Anut Nanun kuai isi an fun man, Satan san banin aban isubari idu wo ipalu ya.

9 Tamol dugon Anut lo foun ilasa yan inj au ta ipas na da, man dugo, Anut san bunun inj ilon lo yen da. Rumok, inj aupasek ta igane yau oñ na wa, man dugo, Anut lo foun ilasa ya.

10 Ru en tamol dugon Anut nanun ago dugo, tamol dugon Satan nanun, an fud ifulaleg kuai tem tile da. Talpein a kagin uyan ak ta igane na yan inj Anut san muroun tia ya. Agod ta inj tein niñen o ta imat na dan inj dam Anut san muroun tia ya.

Nug niñen o amat a

11 Ru en gubak mi mok go ipalu yan aloñ a, id nug niñen o tamat a.

12 Id Kein tutujani tamoi a. Inj man Satan san muroun mi a, an lo injsen tein Abel ifunig imat a. Ata wo ifuni ak i? An fun man injsan kagin naok naok saian a, gug tein san kagin fidian itaot, amaiak niñen o ifunig imat a.

13 Teig taog, amaiak niñen o tan en san tamolpein dilian saian geig dan, niñen o yaes ta ifunañ na dop bubem ta irut na wa.

14 Id taloñ ak mateñ san dal tibiseig, kumaen san dal lo tiladu ya. Id teid taod niñedi wo tamat an lo taloñ ak, an rumok a. Agod ta inj turan niñedi wo ta imat na dan mateñ san tuon yabituani oñ da.

15 Talpein inj turan ile saian tap, tamol an inj tamol ifuni imat ak igo woñ a. Agod añ aloñ ak, talpein a tamol ifuni imat an kumaen pempem san an ilon lo yen man tia ya.

16 Kristus id o inj tinin kumaen ak gigin na igane yan lo, id nug niñen o tamat san dal an ikubiai

panad o igane ya. Fun an niñen o id dam turad muroud o ago mi tigane wa.

¹⁷ Talpein tan en san filian anda yan iñsan turan mel ta lo katukan dugo ile gug ilon ifutani tap, ilo panek Anut san na ipalu dan inj ilon lo yen dak i? Man tia geig a!

¹⁸ Nanug murooug, id nug niñen o tamat dan awad mi ru ibol da, gug an san nunjon tia yak ago ta tigane na wa. Tia, idsad kagin kagin lo dam ago tigane mok dop man, nunjon ilasa wa.

¹⁹⁻²⁰ Dal an lo id taloñ ak id man ru rumok ak san murooun a. An niñen o saen id ilod ibiad tadtudan, Anut naon na id ilod san urer an ka kute ibol a. Man dugo, Anut iñsen idsad ilod irinjani geig a, agod inj mel fidian iloñ uyanan a.

²¹ Turag murooug, idsiganed ilod ta ibiad tadtudan tap, id Anut naon na tugudani wo sumeik ka tupani dop, an lo id ta tarer na wa.

²² Agod mel dugon niñen o tugudani dan, an mi ipanad a. Man dugo, iñsan ru kubiaeñ kagin tupani dugo ilon ibol ak ago mi, id iri panim tigane da.

²³ En man iñsan ru kubiaeñ, id inj Nanun Jesus Kristus iñsan yañan lo ilod lo rumok a, agod nug niñen o tamat a, nek ibol ru kubiaeñ ipanad ago mi tigane wa.

²⁴ Talpein a fidian inj Anut san ru kubiaeñ kagin dupani dan, inj Anut da dumado da. Agod Anut dam inj dida dumado da. Injanen Urgun ipanad an lo id taloñ ak, inj id da tumado da.

4

¹ Turag murooug, aŋ ur fidian sad ru ilom lo ta

rumok na wa. Tia, ur an sad ru abitinae ale gup a, kabelan ur an Anut san boi, tia, Satan san boi, aŋ an ale alon̄ uyan a. Man dugo, profet sewak wei mi aben fidian lo dufufurak go diau a.

2 Ur a Jesus Kristus iŋ tamol mok oŋ tan na ipalu yak ago dubol dan, iŋ Anut san a. Dal an lo mi aŋ Anut san Ur ka ale alon̄ a.

3 Ak man ur a Jesus Kristus iŋ tamol mok oŋ ta ilasa na yak ago dubol dan, iŋ Anut san tia ya. Inj man tamol a iŋsan yanjak “Kristus san ager” dubol dan san ur mi a. Ur an ipalu wo ru an alon̄ se yan, gamu tan en lo imado la ya.

4 O nanug murooug, aŋ Anut san muroun a, agod aŋ profet sewak adi ariŋanai a. Man dugo, Ur aŋ lo yen dan iŋsan dabai man, ur a profet sewak adi lo yen dan san dabai irinjani a.

5 Profet sewak adi inj tan en san muroun mi a, amaiak niŋen o ru a dubol dan, nek tan en san mi a. An lo dop tan en san tamolpein kukudod dugurep inj awad dulon̄ da.

6 Gug id man Anut san muroun a. Ago yak niŋen o talpein a Anut iloŋ an, id awad iloŋ da, ak man a inj Anut san muroun tia yan, id awad ta iloŋ na da. Dal an lo dop ur dugon rumok san, agod ur dugon sewak san dam ka kuai tem tile talon̄ a.

Anut imug id niŋed o imat a

7 O turag murooug, id nug niŋen o pempem tamat a, man dugo, Anut iŋsan bunun man ilo panek san fun mok a. Talpein a ilo panek aman da yan, inj Anut lo foun ilasa ya, agod inj Anut iloŋ da.

⁸ Gug talpein a ilo panek an tia yan, inj Anut ilon man tia ya. Man dugo, Anut man injsen ilo panek mok a.

⁹ Anut injsan ilo panek a id luluñad lo kuai tem ikubiai panad an san dal igo ya. Injanen Nanun kisaek o lian amaiaq tan en lo iganeg ipalu ya, an lo dop injsen tinin lo kumaen tumado san tiñane wa.

¹⁰ Ilo panek e ñai niñen o ñabol den igo ya. Id malan malan Anut niñen o ta tamat na ya, tia, inj imug id niñed o imat a. Agod Taman san ilo wananan a idsad aupasek igane ilasa dan, Nanun injsen yabiani wo iganeg ipalu ya.

¹¹ Turag murooug, Anut id niñed o ago imat tap, id dam nug niñen o tamat a.

¹² Tamol ta inj Anut ile man tia ya. Gug id nug niñen o tamat tap, Anut id da tumado wa, an lo dop injsan ilo panek id lo yan italbusip nuñon ifu wa.

¹³ Id igo talon a, id inj da tumado da, agod inj dam id da tumado dan, rumok a. Man dugo, injanen Urgun titin aenta injaneg id ipanad a.

¹⁴ Agod id malad lo Anut injanen Nanun idinig tan en san tamolpein patud ipasi wo ipalu yan tile ya, agod an niñen o tamolpein aenkadi tabol dulon da.

¹⁵ Talpein a Jesus inj Anut Nanun mok ibol ilasa dan, Anut inj da dumado da, agod inj dam Anut da dumado da.

¹⁶ Dal an lo id Anut san ilo panek ipanad dan talon a, agod id ilod lo rumok a. Anut inj mi ilo panek. Ago yak niñen o talpein a ilo panek aman da yan, inj ilon lo Anut imado da, agod Anut ilon lo inj dam imado da.

17 Dal an lo ilo panek id lo yen dan italbusip itaot geig a. An lo dop bitinaek san nal lo id Anut naon na tatur san ninjen o ta tarer na wa. Man dugo, tan en lo id man, nek inj igo mi id dam ago mi a.

18 Ilo panek man tinin rurek an tia ya. Tia, ilo panek itaot geig an ilo irer ikudip patun fo ilasa da. Man dugo, ilo irer man naon panek san mel mi a, an lo dop talpein a irer dan, ilo panek san kagin lo tamol itaot mok ta ilasa na ya.

19 Id aenta niñedi wo tamat san fun man inj imug id niñed o imat a.

20 Talpein ta igo ibol, “Nai Anut niñen o ñamat da,” gug turan ta ile saian tap, inj sewak tamol. Man dugo, inj turan a ile yan niñen o ta imat na tap, inj Anut a ta ile na dan niñen o imat san tia geig a.

21 Agod taida mi, injsen ru kubiaeñ en ipanad a, ta inj Anut niñen o imat dan turan dam niñen o imat da.

5

Id Anut Nanun niñen o ilod rumok a

1 Tamolpein ensauta a Jesus inj mi Kristus an ilod lo rumok tap, inj Anut nanun muroun. Agod tamolpein ensauta a taman niñen o dumat dan, injanen nanun dam niñen o dumat da.

2 Id dal an lo Anut injanen nanun muroun niñedi wo tamat dan talon da, id Anut niñen o tamat dop injanen ru kubiaeñ dam turi tupani da.

3 Id Anut niñen o tamat dan nek ema ya, id injsan ru kubiaeñ turi tupani da. Agod injsan ru kubiaeñ turi san man pasauman a.

4 Man dugo, tamolpein a Anut lo dilasa yan fidian inj tan en san kagin saian ak diabi idu da.

Agod ata mel ta dabai aman da yak lo id tan en san dabai ka tabi idu wak i? Mel an man idsad ilo rumok mi a.

⁵ Enti tan en san dabai yabi idu san ilon i? Tamol a Jesus in Anut Nanun mok ak ilod lo rumok dan, nek ama ya.

⁶ Tamol e niñen o tiñineñ den, Jesus Kristus, you san dal, agod dar san dal dam lo ipalu ya. Fulanek lo mi ta ipalu na ya, tia, inçsan maten san dar lo dam ipalu ya. Agod Urgun sen ru an kuai tem igane ya. Man dugo, mel e uraru en, Urgun in ru rumok ak da, man sisem naod kisaek a.

⁷⁻⁸ Mel utol en Kristus niñen o kuai tem dubol ilasa da: Urgun, you, agod dar. An lo mel utol an dutumanig awad kisaek go ru an dubol ilasa da.

⁹ Ru ta tamol adi kuai tem digane ilasa yan id ilod lo rumok tap, id ru a Anut ibol go talon an dam ilod lo rumok a. Man dugo, Anut san ru an tamol sad ru irinjani geig a. Agod Anut inçsen ru e irupaiad den, inçsen mi injanen Nanun niñen o kuai tem ibol ilasa ya.

¹⁰ Talpein a Anut Nanun niñen o ilon rumok dan, in buben lo ru a Anut ibol ilasa dan yen da. Gug talpein in Anut san ru an ilon lo ta rumok na yan, in Anut sewak tamol igo woñ igane da. Man dugo, Anut inçsen Nanun niñen o ru an ibol a, ak gug talpein an ilon lo ta rumok na ya.

¹¹ Ru a Anut ibol ilasa yan san fun igo ya. Anut id kumaen pem pem san ipanad a. Agod kumaen an injanen Nanun san banin lo yen da.

¹² Talpein a Nanun yabituani dan, kumaen pem pem san dam yabituani da. Gug ta in Nanun ta yabituani na dan, kumaen an in lo tia ya.

Ru wadan

13 Aŋ Anut Nanun yaŋan niŋen o ilom lo rumok an, girek en ŋigire panaŋ da. Agop aŋ kumaen pempem san aŋane la yan aloŋ a.

14 Id taloŋ ak, saen id inj o tini ganei tiganeg tumosiai dan, mel a niŋen o inj tusumiani dan injsan ilobol an iri pani tap, id awad iloŋ mok a.

15 Agod id mel dugon niŋen o inj tugudanip awad iloŋ dak rumok an taloŋ tap, id mel en dam taloŋ a, mel dugo yak niŋen o tusumiani dan inj ka ipanad a.

16 Talpein ta injsan turan aupasek naok a ŋutun igane imat san tia yak an igane onj dugo ile tap, inj niŋen o Anut igudani dop, fon kumaen ipani da wa. Aupasek naok ago yak mi niŋen o ŋabol da. Gug aupasek naon sen ak a ŋutud ifu dumat ak san dam yen da. Agod ŋai aupasek naok ago yak niŋen o aŋ agudani wo ta ŋabol na da.

17 Kugin saiak saiak fidian an man aupasek a. Gug aupasek aenta a ŋutud ifu dumat san tia yak an dam yen da.

18 Id taloŋ ak enti a Anut lo ilasa yan au ta ipas na da. Man dugo, Anut Nanun iparfutani da, an lo dop Satan yabi ile san tia ya.

19 Id mel en dam taloŋ ak id Anut san muroun a, ak gug tamolpein a tan en san muroun mi dumado dan fidian, inj man Satan tuon lo dumado da.

20 Id mel en dam taloŋ ak, Anut Nanun ipalug, an lo id Tubud a inj Tubud rumok ak taloŋ san ninjen o maŋau ipanad a. Rumok, id a Tubud rumok ak inj da tumado dan, injsan Nanun Jesus Kristus dam ida tumado da. Kristus injsen mi man Anut rumok

ak, agod inj lo dam kumaen an pempem yen yau
da.

²¹ O nanug murooug, tubud sewak ak mitilaedi
nijedi wo asau mi amado wa.

**Anut san bilalun foun
The New Testament in the Takia Language of Papua
New Guinea
Nupela Testamen long tokples Takia long Niugini**

Copyright © 1999 The Bible Society of Papua New Guinea

® Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

PDF generated using Haiola and XeLaTeX on 18 Mar 2025 from source files dated 31 Aug 2023

757b3e4e-2023-5b45-893a-ee9294ddeb9d